

تلك الملائكة دنت لصوتك □ الشيخ محمد خيرى قصص الصحابة سل □

محمد خيرى

السلام عليكم ورحمة الله وبركاته الحمد لله رب العالمين وله الحمد الحسن والثناء الجميل واشهد ان لا اله الا الله وحده لا شريك له
واشهد ان محمدا عبده ورسوله. وبعد
فما زال الحديس حول اسيد رضي الله عنه اسيد ابن حضير اتكلمنا ان اسيم آآ كان سبب انه سبحان الله اعطى لاغز الناس لديه واكثر
الناس حبا له وهو سعد ابن معاذ رضي الله عنه اعطاه اعلى هدية
ويتسبب في اجمل هدية في الوجود له هذه الهدية تسببت بعد ذلك ان عرش الرحمن نفسه يهتز حبا وطربا لما مات سعد رضي الله
عنه فكان سبب اسيد ابن حضير في اسلام سعد ابن معاذ لانه كان يبجبه
وكان حبه ده كان صادق فعلا كان يبجبه محبة صادقة لان الانسان لما يبجبه واحد محبة صادقة يبجبه له كل خير وببجبه له ويتمنى
له الخير الابدي. مش الخير الوهمي. لان انت ممكن تقول لي انا بحب فلان
بجبه قوي وصديقي وكل حاجة لكن سبحان الله يعني بتتمنى له الخير بس الخير المتقطع اللي هو مجرد ايه؟ الخير وهمي. اللي هو
في الدنيا. ان بينتهي بانتهاء الدنيا لكن آآ الصادق في المحبة
اللي دايم اه يبجبه لاخوانه الخير الممتد الخير المستمر اللي هو الخير في الاخرة ان دايم معلومة جديدة خدها بيقول لها
بيحاول يوصلها له بيحاول يقولها له. آآ معنى جديد عاشه يحاول يخليه يشارك فيه
في مسلا مشروع معين عاوزين نجتمع عليه ينفعنا في يوم القيامة المعاني دي مهمة جدا اسأل الله سبحانه وتعالى ان يسدنا
واياكم لما فيه خير. فكان اسيد بعد عمل الكلام ده ربنا من عليه
كان وفقه انه بدأ يحفز القرآن وبدأ يبقي صوته جميل جدا وكان حاجة جميلة سبحان الله استشعروه ودلوقتي كل واحد منا عارف
البيت ده في واحد صوته جميل يبصلي في في المسجد او يبصلي يعني في مسجد البيت او يبصلي معهم في البيت. حاجة كده
يعني
عالية اوي آآ الام بتفتخر دلوقتي ان ولادها ما شاء الله حافظين القرآن وان بعض بناتها ولا بعض اولادها معهم قرآن واعاديات له
ويبصلي بهم وسبحان الله وممتعة جنة من جنات الايه اه العرفان التي تؤدي بعد ذلك الى جنة الرضوان. كان اسيد صوته جميل جدا
وبدا اسيد كان
فبيبجي الليل وبيبدأ بقى يعيش مع نفسه بقى في ناس بتسافر بقى. فهو كان يببب لربه سجدا اسيد رضي الله عنه بدأ يقرأ القرآن
بالليل. وفي يوم من الايام سبحان الله استعذب اهل السماء
اه كما استعذب اهل الارض صوت اسيد رضي الله عنه. في يوم من الايام في جوف ليلة من الليالي كان اسيد رضي الله عنه جالس
في اه فضاء البيت بتاعه في مريدة. مريدي ديت اللي هي ايه؟ الفلاحين يعني او الناس اللي لغاية دلوقتي
انت عندهم حاجة اسمها وسط الدار. وسط الدار. وسط الدار. وسط الدار ده بببقي فيه ناء في وسط البيت منه للسما. يعني تلاقي غرفة النوم دي
متغطية مش عارف بالخلاء ده متغطي ومش عارف ايه وفيه في الوسط كده حاجة ممكن نسميه جنينة نسميه هتلاقي الحاجات دي
موجودة ما زالت
في المغرب واعتقد في بعض الاماكن في سوريا تلاقي كده في الوسط كده آآ منهم للسما يشوفوا السما يعني البيت يكون آآ داير داير
موجود لكن في الوسط كده تلاقي وهي دي فكرة سبحان الله
آآ رسخها جامد جدا المسلمين في الاندلس ولزلك اللي يتتبع الحضارة الاندلسية ويشوف كده هيلاقى البيوت كده يعني. طيب ليه؟
لان آآ دي سبحان الله آآ فيها اسر كبير جدا آآ
سي وتربوي قوي يعني. فتلاقي مسلا آآ البنات تعرف تاخذ راحتها وتخرج وترتاح بدل ما تدنها ايه مقفولة ومش عارف على نفسها
ومش عارفة تخرج الشارع فلأ تاخذ راحتها فين داخل البيت. الاولاد عاوزين يجرؤا ويلعبوا ويتحركوا. برة في الشارع ممنوع. طيب
داخل البيت فيلاقوا مش عارف ايه
واحد عاوز يقيم الليل سبحان الله وانت كده بتقول والسماء ذات البروج وتشوف البروج وترى البروج ولزلك مسلا البيومين دول اللي
يبصلي على السطح مختلف. اللي يبصلي جوة في البيت وقافل على نفسه اللي بيلعن

عنده يعني مكان متسع يبص على السما فيه ده حاجة مختلفة تماما. ده المطر ينزل سبحانه الله يعني يعيش معه يعني في كل الاحوال بتلاقي كده ان في استقرار عالي جدا يعني. غير بقى الشمس وغير الضوء وغير الهواء وغير التهوية. فاسأل الله ان يوسع على الجميع بلاد المسلمين يعني. لكن ما اعرفه ان اللي ما زال هذا الكلام موجود في الشام وموجود في المغرب. واعتقد المغرب بسبب ما حدس في الاندلس قديما يعني. المهندسين المسلمين اللي كانوا بيعملوا كده في اسبانيا والبرتغال والكلام ده آآ فكان عندهم حاجة وسط البيت. غير الجينة قدام البيت لأ يعني مسلا ممكن النهاردة تلاقي في آآ الناس المطرفة واللي معها ماديات او يعني تلاقيه بيبي فيلا وبعدين جينة دايرين داير لأ هم عندهم دي كانت وسط البيت اه فهو قاعد بقى في وسط البيت كده وقاعد ايه اه بيصلي جالس. وسيد اصلا شخصية مبدعة. يعني اللي هتتبع حياته هو شخصية مبدع وعنده الجانب الوجداني والعاطفي عالي جدا وهييجي يزهر ده دلوقتي فسبحان الله له ولد اسمه يحيى النائم بجواره هو يحيى نايم جنبه وهو قاعد وسايب الفرس بتاعته برضه رابطها التي اعدھا للجهد في سبيل الله مرتبطة غير بعيد عنه. يعني ايه محطوطة جنبها. شوفوا سبحانه الله حياته حياتهم متلخصة في المشهد ده قايم بالليل يصلي جنبه فرس بتاع الجهد في سبيل الله وابنه يحيى نايم جنبه آآ دور الاب دور العابد دور المجاهد آآ السكينة. كل ده في اللقطة ديت. الصحابة دول سبحانه الله يعني حاجة عجيبة اوي فالجهد اه جاهز مستعد للزل معه يلا اول ما النبي صلى الله عليه وسلم ولا المنادي يقول يا خيل الله اركبي خلاص جاهز ومعه حاجته وجاهز على طول. ودلوقتي جاء الليل فلما جن عليه الليل خلاص. خلا بربه وابنه برضه مش بعيد عنه وما لوش دعوة به لا عادي جدا ابنه وجنبه وايه وعايش دور الاب والمساعد في شئون الحياة رضي الله عنهم فابنه كان اسمه يحيى وآآ نايم جنبه وكان الليل وادعا ساجيا. يعني فيه سكون رهيب كده. واديموا السماء رائقا صافيا وعيون النجوم ترمق الارض الهاجعة بحنان وعطف فطاقت نفسه سيد يعني خلاص بقى يعني زي ما انا فارس بالنهار انا عاوز اكون فارس بالليل. فيه بعض الاخوات تلاقيها كده بقى ايه ليل نهار شغالة في الدعوة والتطوع والكلام فنقول لها جميل جميل طالما انت عندك المعنى والبهل وكده انا عاوزك برضو تكوني زي ما انت فارسة بالنهار وفارسة في التطوع والبهل والعطاء انا عاوز تكوني انت فارسة برضو فين ايه في اخزو في البناء. فطاقت نفس اسيد لان يعطر هذه الاجواء النادية بطيوب القرآن. الله اكبر على يد من تربي هذا الانسان على الوحي وعلى يد مصعب رضي الله عنه. تلميز تلميز محمد صلى الله عليه وسلم. فانطلق يتلو بصوت به الرخيم الحنون الف لام ميم ذلك الكتاب لا ريب فيه هدى للمتقين. الذين يؤمنون بالغيب ويقيمون الصلاة ومن مما رزقناهم ينفقون والذين يؤمنون بما انزل اليك وما انزل من قبلك وبالآخرة هم يوقنون. فاذا هو هو قاعد عمال يصلي بقى وعايش والجمال كله فاذا به يسمع فرسه وقد جالت جوله. يعني ايه جالت يعني ايه دا للدولة بيقولها وهو قاعد عمال يقرأ كده قعد بقى تتحرك بسرعة كده وحتى تدور تدور كده ايه حوالينها. عارفين اما الحصان يكون مربوط فقعد عمال يلف حوالين الرباط عاوز يفكه. كأن يعني هو متضايق عاوز يخاطب. فيقول فكادت تقطع بسببها رباطها. قاعدة موالد ايه تفوق فسكت وسيد بيقول انا فسكت اول ما لقيت كده الموقف سكت فلما سكتت سكتت سكنت الفرس وقرت. اول ما يسكت هي تسكت. اقرأ هي تيجي فعاد يقرأ اولئك على هدى من ربهم واولياء قومهم فجالت الفرس جولة اشد من تلك التي الاولى يعني واقوى سبحانه الله فسكت فسكنت تاني مرة وقرر ذلك مرارا ففي المرة الثالثة كان اذا كلما قرأ اتحركت الفرس ونفرت وهاجت واذا سكت سكنت يقول فخفت على ابني يحيى ان تطأه الفرس العجيب ان هو وهو بيحكي للنبي صلى الله عليه وسلم الحديد ده عجيب اوي. وهو بيحكي للنبي صلى الله عليه وسلم وبيقول له يا رسول الله اللي حصل ان انا وانا كنت بصلي آآ فجالت الفرس وبعدين انا اسكت تسكت الفرس فالمهم واحنا يعني اما تيجي تشوفوا سبحانه الله الحديد وهو بيحكيه للنبي صلى الله عليه وسلم اه انتم تستغربوا جدا طريقة النبي صلى الله عليه وسلم وهو بيعمل. هو بيقول له يا رسول الله بينما انا اقرأ من الليل سورة البقرة وفرس مربوطة اذ جالت الفرس فسكت فسكنت او فسكت يعني بيحكي يعني الراوي فسكنت فقرأ فجالت فهو لما راح للنبي صلى الله عليه وسلم فلما اصبح الصبح بدأ يحدس النبي. فالنبي بيقول له ايه؟ اقرأ يا ابن حضير يعني هو بيقول له يا رسول الله وانا بقرأ وانا بصلي آآ اللي حصل لقيتها اتحركت فانا رحت ساكت كان النبي صلى الله عليه وسلم بيقول له ايه؟ اقرأ يا ابن حضير. يعني ايه اقرأ يا ابن حضير انتم عارفين مسلا لما تيجي واحدة بتحكي لك قصة فتقول لك ايه؟ فطبعاً راحت باعثة لي على الواتس قالت لي كذا. فانت تقولي لها ايه؟ كنت تقولي كذا صح؟ فهي تقول لك اصبري بس انا هقول لك اهو. فانا رحت قايلة لها كذا. اكيد هي ردت قالت كذا. هي قاعدة

ايه؟ عايشة للحزة ودخلت معك جامد جدا

فكان النبي صلى الله عليه وسلم خلاص عرف المشهد وبيقول لك ايه ياللا كمل كمل كمل. فييقول له ايه؟ اقرأ يا ابن حضير قال فقرأت ما انا جاي اهو يا رسول الله انا بقول لك فقرأت فلما قرأت

فايه؟ جالت مرة اخرى فسكت. قال اقرأ يا ابن حضير. قال فقرأت ما انا جاي اهو هقول لك. فقرأت فجالت الله اكبر. شف عم بيكون معك مربى عايش المعنى ده

معاك واحد يسمعك احيانا النهاردة في اخت ممكن يكون بينها وبين زوجها علاقة مسلا آ متوترة او حاجة في العلاقات الايه؟ الخاصة بينهم وبتاع مش لاقى حد يتكلم معه. واحد مسلا

بنت صغيرة عاملة مشكلة في اعدادي ولا في سانوي ولا بتاع مش عارفة تتكلم مع حد انت بتروح اتكلم مع مين؟ مين اللي يعيش معها؟ ومين اللي يشعرها بالايه؟ بالهدوء والامن والامان. النهاردة في واحد راح للنبي صلى الله عليه وسلم قال يا رسول الله شاب يتوهج في قضاء الشهوة. فيقول له يا رسول الله ائذن لي في الزنا. يا رسول الله ائذن لي يعني ائذن لي يعني هو عارف ان الزنا حرام. صح يقول له يا رسول الله انا عاوز اخذ يعني ايه خصوصية؟ عاوز اخذ استثناء. يا رسول الله ائذن لي في الزنا فالنبي صلى الله عليه وسلم قال ادنوا مني. طب قرب مني فبدأ يقرب من النبي صلى الله عليه وسلم ووضع النبي يده على صدره وبدأ يقول له كده انت تحب كده لوالدتك

انت بتحب كده لخالتك؟ تحب كده لعمتك؟ تحب كده؟ فقال اترضاه لامك؟ اترضاه لاختك؟ اترضاه لكزا وكزا وهو كل مرة يقول لا فداك ابي وامى يا رسول الله. لأ

ما يرضاش كده فقال له كذلك الناس لا يرضون. ما انت لو هتزني ديت هتزني بمين؟ بنت اما تكون ام او اخت او بنت او عمة او خالة صح ما هي لازم هتكون

بنت واحدة من من حاجة من الحاجات دي. انت ترضى ابنتك؟ لأ. انت بترضى لاختك؟ لأ. ترضى ترضى ترضى في كل مرة يقول له لأ. فبدأ النبي صلى الله عليه وسلم بعد محاوره واقنعه دعا

النبي صلى الله عليه وسلم له المشهد ده عجيب جدا النهاردة مين من الاخوات والامهات عندها استعداد ان في واحدة تدخل عليها تقول لها ايه آ يعني اسمحي لي يا امى او ادوني امان

او انا انا عاوز اقابل فلان ايا كان بقى عينيه عاوزة ايه ممكن في في حد عنده الامان ان يبجي يحكي لك مشكلة زي كده؟ ده اقل من كده بكثير. في حد ممكن يحكي لك المشكلة

استحالة ليه؟ لاننا سنحيلهم. يعني ايه سنحيلهم؟ عارفين كده في حاجة في الفقه اسمها ايه؟ آ حصلت استحالة. يعني حصل تحول ان الحاجة دي تحولت يعني مسلا ايه الكلب نجس لكن لو اتحرق لرماد فحصلت له ايه؟ احالة. التحول ده

اه لم يعد نجس. فالرماد بتاعه مش نجس. فحصل تحول للموضوع ده. فهو فعلا هيبقى استحالة من باب لان احنا هنحوه يعني في ناس ممكن يعني لو سأل والده السؤال ده ووالده راجل طيب وكل حاجة ممكن يخليه يلف مكان المروحة شوية

ولو الام ده يعني شجك وفلك وجمعا كلا لك ليه؟ لان في ناس كثير خاصة الجيل بتاع الشباب والاسر الاخوات المتزوجين والكلام ده لا يشعرون بالامان مع اسير فبالتالي يكتمون في صدورهم. فقاعدين يكتوموا يكتوموا يكتوموا. فلما بيلاقي حد

آ اما بيلاقي حد آ عنده الشعور بالامن ده طبعا مش معنى اللي انا بديله الامان اللي انا بقى ايه بقلبها هزار لأ فكرة يعني سبحان الله ان ان يعني يشعر بالامن والامان معك وهو يتكلم. مش حاسس وهو بيتكلم ان آ انت

قل له كده والله العزيم لو رحمك ليعني هيجيب لك سلسلة سبعون ذراعا فاسلكوه لأ انت بتتكلم في ايه مهم جدا طب نروح لمين في المواقف دي فعلا تروحو لمين لمن تسقي فيه ما هو عشان كده بنقول للي عنده مشكلة لازم يلاقي

حد عنده امان ان انك خلاص انت في مجتمع والمجتمع ده مليون مشاكل فلازم تقبل ان في حد يبجي يحكي لك يقول لك انا عندي مشكلة ضخمة جدا مشكلتي واحد اتنين ثلاثة اربعة

ويبقى فعلا يغلب على الزن لان اللي جاي يحكي لك مشكلة ده فعلا جاي يبجس عن حل اما اللي مش فارق معه مش هيجي يحكي لك هو هيجي لك ليه؟ هو طالما جاء وطرق الباب ازا زي قتل تسعة وتسعين نفسه واحد جاي بيقول لك انا قتلت تسعة وتسعين

فجاي يخصك بالسؤال فعاوز يقول لك عاوز اخلص عاوز انجز فلما جالك ومش لاقى معك لا امن ولا امل لأ فده مهم جدا يعني فسبحان الله ولزلك مهم الامهات تدرك هذا المعنى مش ابنك يبجي يخصك بحاجة ولا يخصص مش عارف مين يلاقي الدنيا اتسيحت

وخالته عرفت وعمته والجيران والدنيا كلها ونيجي نقول ايه انا مش عارف اولادي مش بيحكوا لي ليه؟ لا هم ما يبقوش يحكوا لحضرتك. لانك ما شاء الله انت تقريبا حاجة

ايه بقى من السي ان ان بس داخل العائلة وداخل كزا وداخل كزا هو لا يأمن جوارك فلما اسيد حكى للنبي فيقول له اقرأ ابن حضير اقرأ اقرأ اقرأ فقال له انا يا رسول الله انا كنت بقرأ يعني وبتاع فقال

اشفقت يا رسول الله ان تطأ يحيى. انا خفت من الحركة ديت انها تطق يا يحيى. وكان منها قريبا فرفعت رأسي فانصرفت اليه انا

رحت اهو خلاص لأ خلصت بسرعة فرفعت رأسي الى السماء فبابص كده فاذا مسل الزلة فيها امسال المصاييح شفت كده حاجة كده زي خيمة كبيرة

فيها لمض كده يا رسول الله حاجات منورة فخرجت حتى لا اراها ترتفع ترتفع لترفع لغاية ما انت مش شايفها قال وتدرى ما زك قال لا. قال تلك الملائكة دنت لصوتك

يا سلام! ما قالوش لفهمك لصوتك. يعني احيانا ممكن يكون صوتك بس. فما بالك بقى لو انت عايش. انك صوتك انت ممكن تعيش الملائكة. يعني سبحان الله ممكن يكون احد نوابك وانت بتصلي بالناس ولو انت بتقرأ بالليل مع نفسك انك تقولي اريد ان اسمع الملائكة اريد ان امتعهم النهاردة عندكم

جلسة مع آآ فلانة مع فلان. مش عاوز اقول اسماء بقى عشان ايه ما احفلش على حد من الناس اللي ايه بيصلي سبحان الله! انك يكون انا عندي موعد النهاردة مع اريد ان اسمع الملائكة النهاردة. النهاردة الواحد لما بقى يقعد الجلسة ديت ان هو يسمع الملائكة؟ لأه حياته تروح في حطة تانية قلبه بيروح حطة تانية سبحان الله النبي صلى الله عليه وسلم بيقول له تلك الملائكة دنت لصوتك لصوتك. ولو قرأت لو كنت كملت لاصبحت الناس اليها لا تتوارى منهم. بيقول له ده انت لو كنت كملت والفجر طلع والنور ظهر كانت الناس هتشوفها كده وما فيش هيقول لها الملائكة هناك اهي. كانوا

شوفوا الكلام ده. دي كانت كرامة خصها الله سبحانه وتعالى لآآ اسيد رضي الله عنه صاحب الحال العالي وصاحب الرقي. فالواحد سبحان الله آآ النبي صلى الله عليه وسلم علي رضي الله عنه يخبرنا ان

هاد اما يبجي يصلي يستعمل السواك ليه؟ لان الملك بيقترب منك جدا جدا جدا. فاكربين السواكات الرجالة بالزات فاكربين ان في حاجة اسمها سواك؟ لان الرجالة احيانا ممكن يستعملوا السواك بس فين؟ في المسجد. ياه! اوعى اوعى يمر عليك رمضان كامل ما استعملتش السواك تبقى مشكلة كبيرة جدا دي. مطهرة للفم مرضاة للرب لازم تحلي صوتك مع القرآن. ولازم تحاول بقدر الامكان ان الله سبحانه وتعالى يستعملك انه يكون حافظ ولو ايات قصار

حتى تمتع نفسك وتسمع غيرك. فذاك مشهد عجيب جدا. آآ ان النبي صلى الله عليه وسلم يخبرهم بهم وكما كان عنده ولع بالقرآن كان عنده ولع بحاجة تانية كمان ايه هو

ان هو كان بيحب النبي جدا جدا جدا سبحان الله فرشاة الاسنان نعم آآ تطهر وان شاء الله لها اجر لكن الحديس في السواك. فلمازا لا نستعمل السواك تعمله وعادي جدا ولا يغني على الفرشة

يعني مش مسألة ان هو خلاص طالما انا استعملت الايه السواك ما استعملتش لا استعملها عادي جدا. اللي عاوز يستعمل الفرشة ما فيش مشكلة. سبحان الله كان بيحب النبي صلى الله عليه وسلم جدا

لما في يوم من الايام كان ينظر للنبي صلى الله عليه وسلم وده موقف ثاني جميل له كان بيقول في يوم من الايام ان كان النبي صلى الله عليه وسلم بيخطب بهم ويحدثهم. وكان كسير ما يتمنى. كان عنده كده مشروع عمره. احمد ما يخطط له. ايه هو

ما انا قلت لكم ان هو ما شاء الله عنده الوجدان عالي جدا مع الايه؟ الابداع والابتكار. قاعد عمال يفكر في حاجة كده وهو طبعا كان كسير الضحك كان كثير المزاح معروف جدا اسيد

ان هو كان كثير المزاح. بيحب يضحك وبيحب يهزر كثير لكن بعض بعض الناس ممكن يكون فاكر كده ان اسيد ده حاجة يعني بقى ايه ده بقى قيام ليت بقى والاخ الخنيق واللي مش عارف ايه والكلام ده. وسبحان الله دايم هتلاقوا في البيت اكثر

اكثر واحد بيهزر اللي بيصلي بكم واللي فعلا ملتزم بجد. ليه دايم كده حبوب وبيهزر والناس كلها حباه في البيت سبحان الله! ليه؟ لان الدنيا متسعة في صدره. القرآن ارعى حباله شرح صدره. فدايم كده في هدوء في عدم توتر

اه طبعا اذا كان يطبق فعلا ما ايه وعائش المعاني ديت يعني. فكان كثيرا ما يتمنى ان يمس جسده جسد رسول الله لا صلى الله عليه وسلم. بيقول بس انا نفسي كده ايه احط يعني على فكرة في يوم من الايام

اه كنا في رحلة الاسكندرية وكان معي اه آآ مجموعة من الشباب كده وكنا مع بعض فكان فيه ناس منهم بقى لنا خمس ست سنين مع بعض. وكان فيه منهم شباب لسه بقى لنا سنة مع بعض. الشباب اللي من سنة دول

كم آآ في اولي طب فهو قال لي انا كنت عاوز آآ اسالك سؤال قلت له اتفضل وبتاع واحنا ماشيين بقى على البحر وكده وانا بكلمه قاعد مرة اسمعه فانا حطيت ايدي على ايه؟ على كتفه كده وماشي يعني

فهو قاعد بقى يتكلم وعملت كذا وعملت كذا فالحل ايه في المسائل ديت واتكلمنا خلاص وروحنا البيت وكده فلقيت واحد من القدماء باعت لي رسالة بيقول لي كنت اتمنى ان اكون انا اللي في هذا الموضوع

ان انا اللي اكون يعني ان ايه ان نكون قريبيين من بعض وماشيين وايه والكلام ده. فقلت سبحان الله! فما بالك بقى ان دول مع النبي صلى الله عليه وسلم! ده هو بس عشان يعني ايه مخدوع فيبحبني

شوية فايه بص لي بالطريقة ديت. تمام واحد بقى اما يكون مع النبي صلى الله عليه وسلم يعيش ازاي ده بقى؟ فهو برضه اسيد يقول يعني انا بس عاوز اي حاجة كده اذا كان الناس كانت بتسلم على انس عشان تسلم على النبي صلى الله عليه وسلم. بيقولوا له

ده يعني خلينا نقبل يد

مست يد النبي صلى الله عليه وسلم فكانت حاجة عجيبة يعني عالية قوي يعني. فهو اسيد كان عنده فكرة كده. وعنده مشروع قاعد شاغل باله عاوز ايه؟ عاوز جسمه يلط جسم النبي صلى الله عليه وسلم يمس جسد النبي. وان يكب عليه يعني يبجي يقرب منه جدا كده ويحضنه جامد يعني وده اتيح له هذا الامر ازاى بقى بقول في ذات يوم بيقول في يوم من الايام

كان اسيد يطرف القوم ايه؟ بملحه. قاعد بقى عمال يهزر وكل شوية يدنو يعني انتم عارفين بقى الجماعة الاليشة اللي كل شوية يقول كلمة كده انت يا ابني اسكت يا ابني الله يهديك في ناس سبحان الله تضحكك تضحكك ولو كنت في عزا يعني ممكن يدخل عليك انا اعرف شخصيات كده. يعني لو دخل عليك وانت بتدفن يضحكك هو سبحان الله هو شخصية كده هو سبحان الله ولا تجد عتابا آآ تجاهه يعني اقصاها تبتسم وتسكت. لكن هو كده سبحان الله! ومن ومن احب ان يقلده يعكر الجو تماما. فيه شخصيات

كده سبحان الله الله سبحانه وتعالى كانه خلقهم مبتسمين. سبحان الله فهو اسيد كان فيه اللقطة ديت. اسيد ده كان بيضحك الناس قوي. كان عنده كده ليه المعنى ده فالنبي صلى الله عليه وسلم غمزه النبي صلى الله عليه وسلم في خاصرته بيده يعني الخاصرة ديت المكان اللي هنقول بين الجنب وبين السرة. المنطقة دي كده بين جنبك من الجنب بقى ايا كان الطرف فاي اليمين مسلا او اليسار الى ايه السرة الحنة دي. غمزه عن النبي صلى الله عليه وسلم بالسواك كده قال له استوي اسكت فكأنه يعني اه النبي صلى الله عليه وسلم قيل انه يستحسن ما يقول بس ده مش وقته يعني وقيل ان هو لا ان كان النبي صلى الله عليه وسلم يعني زي ما انت هتقول ايه الله يهديك. فبتقول لواحد كده ايه ايه الجمال ده فسبحان الله فقال اسيد اوجعتني يا رسول الله. مش قلت لكم هو سبحان الله شخصية مركزة جدا جدا. طبعاً مش كل واحد يعني دي ده يا جماعة توفيق من الله لان بعض الناس احياناً بيسوق فيها اذا زاد الامر الى عن حده انقلب الى ضده يعني احياناً تظل تزود اول الموضوع يتقلب. وده هو المهم يعني ده توفيق من الله سبحانه وتعالى مش كل حد بيعمله يعني. طبعاً الغمزة ديت اللي بيعملها المرابي بتكون ايه احياء منها. عارفين جاي يقول لك ايه؟ الله الشيخ قرص ودني. الله! فين الله هنا يعني؟ يعني ايه حنة ان ايه للمعلم

ليه ما قرست ودني النهاردة؟ ايه ايه اللي فيها ديت الله الشيخ كده مسك لي خدي كده قال لي الله يهديك. هو لان هو شايفها ان هي ايه مش قرصة لاً ده هو ايه زي كده ايه فالنبي صلى الله عليه وسلم في يوم من الايام مسك اذن ابن عباس وهو بيصلي ففرك اذنه حتى يقربه وهو مش شايف بقى ان هو مسك لي ودني

عارف انت يا جماعة الاحيان الشباب اللي ايه اللي في شباب كده آآ مخادع. شاب كده مش سهل. وتلاقيه واحد كده ايه يعمل له الحركة دي تمسك له ودنه كده تلاقيه يروح قاعد نايم على الارض ومتقلب اه يا ودني وبتاع ايه في ايه؟ احمد ضربني وبتاع والكلام ده كله. بعد عيني ما والده يمسك احمد ويحطه فوق التلاجة

يقوم الولاد كان بيهزر بيهزر ويا سلام بقى لو فيه كاميرا واتلقط ان هو كان ايه بيهزر. فيه شخصيات كده ايه آآ لعاب يعني لكن بالمناسبة يعني ايه الشخصيات دي كلها هم بيكونوا في اوقات كتير هم الكريزة بتاعة التورته بتاعة البيت يعني على قد ما هم بيكونوا مزعجين لكن سبحان الله لا تحلو آآ حلويات البيت الا بهؤلاء فاسأل الله سبحانه وتعالى ان يحفز اولادنا واوولادكم فكأن النبي كان يستحسن ما فعل فغمزه غمزة. فقال له سيد اه اوجعتني يا رسول الله. لا لا لا ده وجعتني يا رسول الله فقال النبي اقتص مني يا اسيد الله اكبر اا موضوع اه هزار بس لاً خلاص انت فاهم تكلم جد لاً اقتص مني اه هو انت وهو في رواية قال يا رسول الله اريد ان اصطر يعني ايه انا اخذ بقى حقي اعوز القصاص فقال اصطر يا ايه؟ يا اسيد يعني خد حقاك الراجح انها حدست مع اسيد اه رضي الله عنه. وقيل عكاشة ايضاً حدس له نفس الموقف لما النبي صلى الله عليه وسلم قال اقتص مني يا اسيد فبدون اي مشاكل نفسية آآ عادي جدا انك لا تاخذ حقاك ويبدأ النبي صلى الله عليه وسلم يعرض نفسه انه يأخذ هذا. فيقول له ايه بقى اسيد؟ لا ما هو سيد برضو ايه ما احنا قلنا بقى يعني هو شخصياً مرحة جدا

فقال له يا رسول الله انت يا رسول الله لما خبطتني اه اه ان عليك قميصا ولم يكن علي قميص حين غمستني فسبحان الله! فرجع النبي صلى الله عليه وسلم قميصه عن جسده فاحتضنه اسيد وجعل يقبل آآ خاصرة النبي صلى الله عليه وسلم. كشح النبي صلى الله عليه وسلم اللي هو المكان اللي من الجنب للسرة كده للوسط ويقول بابي انت وامي انها لبغية كنت اتمناها منز عرفتك وقد بلغت الان. بيقول له ياه ده ده مشروع عمر ده انا حاططه رؤية سبحان الله احياناً كده يعني الواحد يكون عنده المعنى ده عنده الشعور ده سبحان الله كل واحد بيحاول يترجم حبه للنبي صلى الله عليه وسلم بطريقته الخاصة. انا هسألکم سؤال بقى

هو ان شاء الله بعد رمضان فيه برنامج آآ عن السيرة وفيه برنامج عن اسماء الله الحسنى. هدف برنامج السيرة ده مع محبة النبي صلى الله عليه وسلم انك تستخرج محمدك الشخص

تصيب اه سبحان الله! انك يكون لآ في علاقة خاصة بيني وبينه صلى الله عليه وسلم. انك لازم انك تحس كده لآ انا عاوز اترجم حبي للنبي صلى الله عليه وسلم. انت حبك للنبي صلى الله عليه وسلم. كيف تترجمه؟ بينك وبين النبي صلى الله عليه وسلم فيه حاجة خاصة عملتها

يعني انت في حاجة انت يعني مسلا واحد يقول لي سبحان الله في اسم من اسماء الله الحسنى دايمًا حاضر في ذهني هو المتين حتى انا بحس كده ان انا هسمي في يوم من الايام عبدالمتين. اهو في واحد يببقى عايش المعنى ده

سبحان الله! فيه واحد تاني يقول لك الصمد ده سبحان الله! هو اللي بحس كده دايمًا هو الصنارة اللي بتاخذني انا من كل ايه؟ من بتنتشلي من كل حطة ففي واحد عايش المعنى انا بسألك سؤال محمد صلى الله عليه وسلم بيمسلك ايه

ببمسلك لك ايه؟ كشعور وجداني انت عايشة عليه طول السنة. كشعور معرفي كعنى معرفي انت عايش عليه. كعنى السلوكي. اه قدوتي واسوتي قدوتي قدوتك ايه واسوتك وانت اصلا بتنزلي الجامعة باللبس ده

احنا نضحك على بعض ما هتخلينا بقى صرحا بقى مع بعض ونبدأ نواجه انفسنا. هو النبي صلى الله عليه وسلم هو قدوتك والكلام ده هو قدوتك انت بتاخلي كلام وتطلع به من هنا طب هو قدوتك

كنت مش عارفة ان هو قال ايه في الضوافر وانت سايبه ضوافرك ما شاء الله لا قوة الا بالله خلاص باعتبارها الانسان يحس انك عندك صابعين اصلي وصابع ايه ممتد. هو النبي صلى الله عليه وسلم آآ

اه انت مش عارفة السنن بتاعته ايه فين السنن بتاعته وفين كذا فين كذا فين كذا انت تعرفي عنه ايه لو قلت لك زوجاته اسمهم ايه؟ انت مش عارفة بيته اصلا

انت مش عارفة بيته. يعني اما اجي اقول لك البيتو ده كان عبارة عن ايه مين بناته ومين اولاده. وكان بيقرّب من مين ومين اللي دايمًا مش عارف ايه وكان بيحب ايه في ايه

الحاجات دي مع المعاني ديت كلها احنا محتاجين نفعلها مش بمجرد بحبك يا نبي بحبك يا نبي وخلص لآ آ النبي صلى الله عليه وسلم الله سبحانه وتعالى لم يقبل من الناس ان هم يقولوا احنا بنحب ربنا خلاص. قل ان كنتم تحبون الله؟ اه لآ في امتحان. مش

طبقه في اختبارات ايه هي الاختبارات؟ فاتبعوني يحبيكم. فهتبدأ بقى اختبارات الاتباع. فتيجي تشوف كده. انا هسألك سؤال انت عارف النبي كان بيعمل ايه في رمضان؟ يوم النبي صلى الله عليه وسلم كان بيقتضي الاربعة وعشرين ساعة ازاي في رمضان؟ طب حاولت تعرف

عارف هتبدأ امتى تعرف وتفتش لما يكون عندك يعني شغف زي هنا اسيد. شغف اسيد. قاعد عمال يفكر يفكر ان آآ ايه احب الاسماء اللي النبي كان بيحبها؟ في اسماء كان النبي بيحبها كده. كان في اكالات النبي بيحبها. مش شرط ان انا احبها بس على الاقل على الحد الادنى كون انا عارف المعنى ده مهم جدا كان بيقتد ازاي وهو بيصلي كان بيركع ازاي؟ كان بيرفع صابعه ازاي في التشهد؟ كان ايده بتتحتف فين في على صدره

آآ بيرفع ايده ازاي؟ يبجي يدعي ربنا. كان بينام ازاي؟ كان بيصحى ازاي كان بياكل ازاي ما هو لازم يبقي بينك وبين النبي صلى الله عليه وسلم في علاقة خاصة

واحد بيدبح آآ بيدبح خروف بيدبح معزة. فالنبي صلى الله عليه وسلم يقول له تنحى تنحى حتى اريك اقعد انا هاوريك انا. فيا اخي سبحان الله ممكن الحديث ده انت تعيش عمرك بقى كله

ايه هو؟ ان اتنحى حتى اريك. انا عايش على المعنى ده. ايه هو المعنى ده؟ ان اي واحد مهارته مش قوية في ملف انا ماهر فيه اعلمه من باب تنحى حتى اريك. وبسوس تعالى تعالى هعلمها لك. تعلمها ازاي

يكون عندك المعنى ده وتيجي نقول لك ليه بتعملي كده تقولي والله محمدي بقى انا كده في معنى كده عشته فبحاول اترجمه يعني ايه في الله ان تؤنس الوحشان لك صدقة. انا عايش على

اي حد اشوفه كده واخت كده بقى لها فترة في الايه؟ في الجروب معنا ما بتتكلمش ليكون فيها وحشة طب ما اكلمها طب وانت بتكلمها ليه؟ ما انا خلاص بقى انا رافعة شعار انا جابرة الايه؟ الوحشانة

فاي واحد وحشان كده انا لآ خلاص لابد ان اونس الوحشان سبحان الله! انا آآ مم يعني انا ميسرة العشرة بالمعروف في البيوت ليه؟ مع النبي صلى الله عليه وسلم عمل كده مع علي قال له قم ابا تراب وبتاع وخلاه يلين كده ويرجع تاني لايه؟ لفاطمة. طب انت هتعملها ازاي ديت؟ انا خلاص بقى اي اخت انا باحاول

بقدر الامكان زوجها ممكن يعلق على الطعام ولا حاجة انا اعلمها حاجة في الطعام. المهم الشمائل والاخلاق وتبنى شوميلة ديت انك تمسك شوميلة ولا الخلق تتبناها وتعيش بها وتبقى انعكاس لحياتك مفهوم مختلف تماما. وسيد رضي الله عنه

عنده مشروع بيتترجم فيه محبة النبي صلى الله عليه وسلم. غير طبعاً حياته اللي هو ماشي فيها. بس فيه حاجة كده ايه؟ هدف كده عاوز يوصلها سبحانه الله وكأن النبي صلى الله عليه وسلم كان يبادر ايضاً اسيد اسيدا حبا يحب ويحفظ له سابقته في الاسلام لان اسيدة ده زي ما هو كده اه مش بتاع هزار بس لأ في الجد الجد ما هم كانوا ايه يتقازفون بالبطيخ. يعني هم قاعدين كده مع الصحابة يمسكوا البطيخ بياكلوا البطيخ يزقوا له بقع ويهزروا مع بعض. فكان اذا جاء الامر كانوا هم الرجال حقا يعني يا خيل الله اركبي خلاص انتهى. اتلاقي اتقلبوا مية في المية فسبحان الله هم هي كده فعندهم التوازن العالي ده جدا. المهم كان يوم احد طعن سبع طعنات مميتات في ذلك اليوم. ليه؟ كان بيدافع عن النبي. كان خايف ان النبي صلى الله عليه وسلم ايه؟ يصاب اه من الاشياء اللي نختم بيها قصة اسيد ويعني في وقت كثير ان النبي صلى الله عليه وسلم في يوم من الايام قالو ايه يا اسيد انتم قوم يعني معشر الانصار آآ فانكم ما علمت يعني من يوم ما عرفتكم عن ما علمت عنكم الا انكم ايه؟ اعفة صبر. انكم ناس عفيفة وناس صابرة. وانكم ستلقون اثرة بعدي. يعني يعني انتم في يوم تمام هتجدوا اثرة يعني ايه اثرة؟ يعني الناس هياخدوا خير ويستأثرون به عنكم. الايثار ان يكون عندك حاجة تديها لغيرك. الاسرة ان يكون لك حق عند غيرك وهو ايه مش يدهولك اوي ومش ينتبه اللي معاك فقال انكم ستلقون اثرة بعدي. طب نعمل ايه يا رسول الله؟ اتخانقوا لأ. فيه حاجات يا جماعة ما لهاش حل الا انك تصبر. فاصبروا حتى تلقوني وموعدكم الحوض ياه بيقول له ايه؟ بيقول له انتم هتلاقوا فيه قدر معين من الهنات هتحصل. وهيبقى لك بعض هتتاخذ منك. اه الحقوق ديت كان النبي يرى ان الموضوع مش هيكون مقصود لكن هيبقى فيه اه سوء تفاهم قلة توفيق. فبيقول لهم ايه؟ الحل ايه نتخفق؟ لا. طب الحل؟ قال لهم اصبروا حتى تلقوني عند الحوض. فيه حاجات كده احياناً ما لكش فيها مش هينفع تتخانق

والدتي غلظت في واحنا داخلين على رمضان يا عم الشيخ انت شايف ايه لأ انت اللي شايف ايه انت النهاردة خلاص عبدالرحمن ولا ريان ولا يارا ولا جوماناً ايا كان واحد منكم دلوقتي حصل له مشكلة مع والدته ووالدته الغلطانة واحنا داخلين على رمضان ايه المطلوب في بعض الناس يقول لك ايه انا عاوز والدتي تعتذر لي انت شايف كده يعني ان هي تدخل وتقول لك انا اسفة بني هل ترضى عني هل ده ينفع اصلاً ففي حاجات آآ انك لازم تبقى مدركها ان هي مش هتمشي كده. طبعاً احنا بنخاطب الامهات ان هي تبادر لكن هو في طبع وفي عرف وفي كزا لأ انت من برك قال لك تحوج امك انها تعتذر ده من نوع من البر العالي انها هي غلظت وانت الذي تقبل فتقول له ايه؟ لان ازاي انت هترجع لوالدتك وهي ما تعتذرش؟ تقول ايه؟ اقول دي امي على ان تعتذر لي لا والله ربي لا انا جعلتها في حل من يوم اخطأت في امي في حل طبعاً. انا مسامحها اذا كان الله سبحانه وتعالى يعفو عن من يعفو عن الناس فكيف اذا عفوت انا عن امي وهي التي فعلت فيه وفعلت وفعلت يعني لو سلمنا طبعاً ان الام عملت كده يعني. المهم النبي صلى الله عليه وسلم فقال فاصبروا حتى تلقوني وموعدكم الحوض قال اسيد فلما الت الخلافة الى عمر رضي الله عنه حصل موقف كده قسم عمر رضي الله عنه كان فيه غنيمة وقسمها بين المسلمين مالا ومتاعا فبعس لي بحلة فاستصغرتها. يعني ابعث لي كده حاجة فانا كنت شايفها ان هي قليلة يعني. بس ما فيش مشكلة. فبينما انا في المسجد فاستصغرتها ديت يعني ممكن نتكلم فيها لغاية رمضان الجاي. قد ايه النفوس الصحابة كانت سلسة وناس بشر عادي جدا يعني في قلبه حاجة يقولها لك. بنقول لك ايه هو تاني حاجة وكنت بشكر ربنا جدا عليها لا لا عادي جدا. صحابي يا جماعة ما عندهم الكلكعة بتاعتنا. عادي يقول لك اداني حاجة وكنت متضايق منها. زي مسلاً في واحد مسلاً انت تقول كده لما فتقول له انت اتضايقت؟ قال لها لا لا ابداه هو في حد اتضايق من حضرتك؟ يا اخي ده انت مولع وقلت في كل الجروبات انك متضايق مني عادي يقول لي اه والله الصراحة انا ما كنتش يعني حابب ان حضرتك تقول لي كده يعني فانا اسف جدا وبتاع والموضوع انتهى يا جماعة السلف كانوا يقولون ان العتاب صابون القلوب. فانت لو ما بتقدرش تطهر قلبك اول باول وعندك السلاسة ديت خلاص عاتب ليه؟ لان العتاب صابون القلوب. يعني ايه؟ هيشيل يشيل التوتر اللي جوة ده. والله يا استازة فلانة انا زعلانة منك انت قلت بس كزا كزا ما كنتش منتز منك كده يعني. انا اسفة جدا والله ما قصدتش بس خلاص الموضوع انتهى فبالبداية كده ايه تلاقي ايه الدنيا ايه نضفت يعني فهو بيقول انا استصغرتها. فبينما انا في المسجد از مر بي شاب من قريش عليه حلة سابغة. واحد بقى من قريش معدي ولبس بقى

حلة الله اكبر طويلة اوي والدنيا رايقة. انا بقى مديني لبس آآ اديني قماشة صغيرة وهو مدي له قماشة عالية عشان عمر قريشي بقى ما انتم عارفين بقى فيبقول لما شفتها كده وهي القماشة دي طويلة اوي يعني فقلت صدق رسول الله. انكم ستلقون اثره من بعدي

الله اكبر. فانطلق رجل الى عمر واخبره فقال له خلي بالك انا سمعت اسيد قال كزا كزا فجاءني مسرعا فجاءني مسرعا فجاءني مسرعا. شوفوا المرين. عمر جاي يجري بيحافز اول حاجة على صحيفته ما مش هينفع اقبل ربنا كده. وتاني حاجة بيحافز على علاقته باخواته. لكن تيجي تقول لهم خلي بالك زميلتك زعلانة زميلك زعلان

الاخ اللي بيدينا المحاضرة اه اتضايق اللي مش عارف مين المدايق المعلمة مش عادي جدا ايه المشكلة يعني وانا مالي ايه المشكلة يعني انا مش فاهم برضه يعني الشيخ زعلان او يعني ايه ابني متضايق؟ ما انا مش فاهم يعني ايه المطلوب مني يعني؟ ما تخليه يتضايق

خليه يتضايق وخليه يعيش شوية الضيق كده انا عاوزه يستمتع في رمضان بالضيق ده. ايه يا عم الغل والحقد نسأل الله العفو والعافية. هو في كده فجاءني مسرعا وانا اصلي فقال

صل يا اسيد. يعني ايه؟ خلص فازايدة طبعا ما ينفعش يهزر مع عمر فلما قضيت صلاتي اقبل علي وقال ماذا قلت؟ انا انا يا عمر انا عمري اقول حاجة في حضرتك انا مش عارف ايه لا لا لا عندهم الجراة ان هم يتكلموا

فقال فاخبرته بما رأيت وبما قلت فقال عفا الله عنك شوفوا الكلام البسيط عفا الله عنك. ايه ده بتتكلم في الزات الالهية ومش عارف ايه وانت ينفع تزكرني كده وانا امير المؤمنين والطعن في طعن في الايمان

وطعن فيا طعن في الاسلام ولا ان كان علي انا ممكن استحمل لكن انت هزيتك لي يعني هزة الدين وهزة الدين يعني تعزيز للكفر وتعزيز للكفر يعني انت هتبقى انت مرتد. انتم عارفين بقى اللي ايه اللوازم ديت. خلاص؟ اهو انت بتتكلم في الشيخ يعني انت لا تحترم العلم اللي هو معه

وعدمت ما تحترم العلم يعني لا تحترم قال الله قال الرسول. يعني انت ما بتحترم النبي صلى الله عليه وسلم. يبقى انت كفرت. شفتهم هي بتحصل التطور ازاى؟ اهو ده التطور

بالحاجة الساقعة فعلا فقال له عفا الله عنك تلك حلة بعست بها الى فلان الانصاري عزل ده انصاري بدري احدي يعني شهد بدر والعقبة واحد فشاها منه هذا الفتى القرشي ولبسها. يا سيدي انا ما اعرفش الفتى ده خالص. ده انا اديتها كده. افتظن ان هذا الذي اخبر به النبي يكون في زماني

فقاله سيد والله يا امير المؤمنين لقد ظننت ان ذلك لا يكون في زمانك بس انا يعني موقف يعني فعلا انا موقف مش لقيت له تحليل اضطريت ان انا اكلمك

سبحان الله! وده مهم جدا احيانا المواقف اللي ما لهاش تحليل. اذا قدرت تبلعها وتعديها ولديك السلاسة النفسية خلاص اقبلها لكن ما قدرت خلاص اتكلم بسلاسة في ناس بتعقد المواضيع. يعني تيجي تتكلم معه بسلاسة يعقدك ويدخلك في توهان فتقول يا ليتني ما فعلت. زي كده يا ليتني ما

النهاردة عليكم يعني وسيد رضي الله عنه بعد الموقف ده طبعا ما عاش كتير وسايب آآ بعد هذا آآ واختار الله سبحانه وتعالى لجواره في عهد عمر يعني لكن عمر وجد عليه دينا مقدار اربعة الاف

آآ درهم وسبحان الله وكان فالورسة همه ان يببعوا الارض عشان يوفوا ديون اسيد. عادي مسكين كان عليه ديون يعني سبحان الله فلما عرف عمر ذلك قال لا اترك بني اخي اسيد عالة على الناس. لا والله مش هنبيع ورسهم وبعدين في الاخر خالص يتعفاؤا يسألونا من الناس

ثم كلم الغرماء اللي هم لهم الديون يعني. فقال لهم باقول لكم ايه ، تاخذوا ثمر الارض دي اربع سنين احنا عندنا ارض. خدوا انتم

النتاج بتاعها لمدة اربع سنين وكل سنة بقى

الف. فقالوا وافقوا وخلاص وانتهى وتبقى الارض ايه؟ لاخواته. سبحان الله! ودي برضو تقول لك قد ايه ان عمر زكي. وان عمر بيحل المشاكل وانه فاهم في الاقتصاد وفاهم في المحاوره وفاهم في اصلاح ذات البين. فاسأل الله سبحانه وتعالى ان يحببنا في هؤلاء. ويحشرنا مع هؤلاء والنبيين والصديقين. واسأل الله ان يرزقني واياكم حسن العمل وحسن الختام اقول قولي هذا واستغفر الله لي ولكم